

տաղնապէր նաև 'ի մեծի տառապանս զուխտաւորս Հայոց՝ 'ի պատճառս մաքսի: Ոչ ինչ աղբէին 'ի լսելիս նորս աղաջանք և պաղատանք թէ՛ողորոս Պատրիարքի և Ղազար վարդապետի, և կալուածքն այնոքիկ մնացին երկար ժամանակ 'ի ձեռս այլազգեաց, և յետոյ հաղիւ ուրեմն կարացին թափել զնոսա 'ի ձեռաց նոցին:

Վերստին կազմեցաւ ժողով 'ի դատարանին Երուսաղէմի, ուր էին Հայք և Լատինք. խնդրեցին 'ի Հայոց զհին հրովարտակս՝ և նոքա մատուցին 12, որոց առաջինն էր Սէլիմայ առաջնոյ՝ տիրողին քաղաքին սրբոյ, յորոց զիջաւ փոքր ինչ սիրտ այլազգեաց: Հրաման ետ դատաւորն շինել Յունաց գտեղիս իւրեանց, զի 'ի հրովարտակի նոցա ոչ էր յիշեալ տեղիքն Յունաց և Հայոց, և վասն այնոցիկ խոստացաւ գրել 'ի Դուռն և սպասել հրամանի Արքային: Յոյնք սկսան շինել զարտաքին մեծ դուռն, և իրբև կանգնեցին զխայտակերտս շինել զայն տեղիս կից նմին, հասին այլազգիք քաղաքին և արգելին զնոսա, զի տեղիքն այնոքիկ սեփհական էին Հայոց, և գաղարեցաւ գործն աւուրս 8: Յոյնք ըստ հրամանի դատաւորաց վերստին սկսան շինել զվերին կողմն Աւագ խորանի իւրեանց, եւ պայման ետուն Հայոց աւուրս 30՝ բերել հրաման արքունուստ վասն տեղեաց իւրեանց. և նոքա գրեցին թախանձանօք 'ի Կոստանդինուպօլիս առ գլխաւորս ազգին, և յօրէ օր սպասէին գալտեան հրամանին, բայց երկարէր միջոցն, և միաբանք մնացին ողեսպառ յանյաջողութենէ գործոյն, 'ի նախատանաց և 'ի դանից Յունաց: Գրեալ էր դարձեալ Կոստակալն Դամասկոսի խաղաղութեամբ շինել գտեղիսն ըստ հրամանի Արքային: Իսկ Սիւլէյման Փաշա Աքքէի գրեաց սաստ առ դատաւորս Երուսաղէմի, թէ՛ ո՞րպիսի հրամանաւ շինեցին Յոյնք զգուռն տաճարին, եւ ո՞րպէս թոյլ ետուք, զի դուռն այն երկոց ազգաց է, եւ Միւթէվէլի տաճարին ես իսկ եմ՝ այլ նոքա լռելեայն գրեցին առ նա զոր ինչ և կամեցան:

